

II.

1790

II/179a

Paulus

Museum





Nº

179 a
✓

der

Stadt Worms.







Etlich Criftlich lider
Lobgefång/vñ Psalm/dem rai-
nen wort Gottes gemef/auf der
heyligē ſchriſt/durch mancher-
ley hochgelerter gemacht/in der
Kirchen zū ſingen/wie es dann
zum tayl berayt zū Wittenberg
in übung iſt.


Wittenberg.

M. D. XXXij.



Ein Christenlichs lied Doctoris

Martini Luthers/die vnaussprechliche
gnaden Gottes vnd des rechten
Glaubens begreyffendt.



Nun frewt euch lieben Christen gemein.



Nun frewt euch lieben Christen gemein/Vnd laßt vns frö-
lich springen/Das wir getrost vnd all in ein/Mit lust vnd
liebe singen/Was got an vns gewendet hat/Vnd seine süsse
Wunder that/Gar theur hat ers erworben.

Dem Teuffel ich gefangen lag/Im todt war ich verloren/
Mein sündt mich quellet nacht vñ tag/Darinn ich war ge-
boren/Ich viel auch ymmer tieffer drein/Es war kein güts
am leben mein/Die sündt hat mich besessen.

Mein güte werck die goltten nicht/Es war mit in verdor-
ben/Der frey wil hasset gots gericht/Er war zum güte er-
storben/Die angst mich zu verzweyffeln treyb/Das nichts
dam sterben bey mir bleyb/Zur hellen müßt ich sincken.

g Do iamert not in ewigkait/ Mein elend vber massen/ Er
dacht an so barmhertzigkait/ Er wolt mir helfen lassen/
Er warc zü mir das vater hertz/ Es war bey jm fürwar
kein schertz/ Er ließ sein bestes kostes.

g Er sprach zü seinem lieben son/ Die zeyt ist hie zur barmen/
Far hyn meins hertzen werde kron/ Vnd sey das hayl dem
armen/ Vnd hilff jm auß der sünden not/ Erwürge für in
den pittern todt/ Vnd laß in mit dir leben.

g Der sun dem vater gehorsam wardt/ Er kam zü mir auff
erden/ Von einer juncckfraw rain vñ zart/ Er solt mein brü-
der werden/ Gar haimlich für er sein gewalt/ Er gieng in
meiner armen gestalt/ Den Teüfel wolt er fangen.

g Er sprach zü mir halt dich an mich/ Es sol dir yzt gelin-
gen/ Ich geb mich selber ganz für dich/ Da wil ich für dich
ringen/ Dañ ich bin dein vñ du bist mein/ Vnd wo ich bleyß
soltu sein/ Vns sol der feindt nicht schayden.

g Vergiessen wirdt er mir mein plüt/ Darzü mein leben rau-
ben/ Das leyde ich alls dir zü güt/ Das halt mit festem glau-
ben/ Den todt verschlingt das leben mein/ Mein vnschuldt
tregt die sünden dein/ Da bistu selig worden.

g Gen hymel zü dem vater mein/ Far ich vö disem leben/ Da
wil ich sein der maister dein/ Den geyst wil ich dir gebē/ Der
dich im trüßtnuß trösten sol/ Vnd lernen mich erkennen wol/
Vnd in der warhait leyten.

Was ich gethan hab vnd geleert / Das soltu tu an vñ leren /
Damit das Reich Gottes werdt gemert / Zu lobend seinen
eren / Vnd hüt dich für menschen satz / Darvon verdirbt der
edle schatz. Das las ich dir zur letze.

1 5 2 4

Mart. Luth.

Ein lied vom gesetzz vnd glauben / gewalt-
tiglich mit göttlicher schrifft verlegt.
Doctoris Pauli Sperati.



Es ist das hayl vns kumen her.



A Es ist das hayl vnns kumen her / Von guad vnd lauter
güten / Die werck helffen nymmer mer / Sie mögen nicht be-
hüten / Der glaub sibet Jesum Christum an / Der hat gnüg
für vns alle gethan / Er ist der mitler worden.

B Was Got im gesetzz gebotten hat / Do man es nicht kondt
halten / Erhüb sich zorn vnd grosse not / Für Got so manig-
falte / Vom fleisch wolt nicht heraus der geyst / Vom gesetzz
erfordert allermeyst / Es war mit vns verloren.

Es war ein falscher wort darbey/Got hett sein gesetz
drumb geben/Als ob wir möchten selber frey/Nach seinem
willen leben/So ist es nür ein spiegel zart/Der vns zaigt an
die sündig art/In vnserm fleysch verborgen.

Nicht möglich war die selbig art/Auß aygnen kressen
lassen/Wiewol es oft versucht wart/Noch mert sich sündt
on massen/Wann gleyfners werck er hoch verdampft/Vnd
ye dem fleysch der sünde schandt/Allzeyt war an geboren.

Noch müßt das gesetz erfüllet sein/Sunst weren wir all
verdorben/Darumb schickt Got sein sun herein/Der selber
mensch ist worden/Das ganze gesetz hat er erfüllt/Damit
seins vaters zorn gestilt/Der vber vns gieng alle.

Vnd wen es nun erfüllet ist/Durch den der es kondt hal-
ten/So lerne yetzt ein frummer Christ/Des glaubens rechte
gestalte/Nicht mer dann lieber herre mein/Dein todt wirdt
mir das leben sein/Du hast für mich bezalet.

Daranich kainen zweyffel trag/Dein wort kan nicht be-
triegen/Nun sagstu das kainen mensch verzag/Das wirstu
nymmer liegen/Wer glaubt in mich vnd wirt getaufft/Dem
selben ist der hymel erkauft/Das er nicht wirt verloren.

Er ist gerecht für Got allein/Der disen glauben fasset/
Der glaub gibt auß vñ im den schein/So er die werck nicht
lasset/Mit got der glaub ist wol daran/Dem nechsten wirt
die lieb güts thün/Bistu auß got geboren.

I Es wirt die sündt durchs gsetz erkant/Vnd schlecht das
gwissen inder/Das Ewägeli kumbt zu handt/Vnd sterckt
den sünder wider/Vnd spricht nür kreuch zum creüz herzu/
Im gsetz ist weder rast noch rü/Mit allen seinen wercken.

K Die werck die künien gwislich her/Auf einem rechten
glaube/Wen das nit rechter glaube wer/Wöltst in 8 werck
berauben/Doch macht allain der glaub gerecht/Die werck
die seind des nechsten knecht/Dabey wirt glauben mercken.

L Die hoffnung wart der rechten zeyt/Was Gottes wort
zu sagen/Wenn das geschehen sol zu freud/Setzt Got kein
gwissentage/Er wais wol wens am besten ist/Du brauchst
an vns kein argen list/Das sol wir im vertrauen.

M Ob sichs an lief als wölt er nit/Las dich es nit erschre-
cken/Dan wo er ist am besten mit/Da wil ers nit entdecken/
Sein wort das las dir gwisser seyn/Ob dein fleysch sprech
lauter neyn/So las doch dir nicht grauen.

N Sey lob vnd eer mit hohem preys/Umb diser gütthait
willen/Got vater sin heyligem geyst/Der wöl mit gnad er-
füllen/Was er in vns an gfangen hat/Zu eren seiner maie-
stat/Das heylig werdt sein namen.

O Sein reich zu kün/sein wil auff erdt/Stee wie im hy-
mels throne/Das teglich prot noch heut vnns werdt/Wol
vnser schuld verschone/Als wir auch vnsern schuldern thon/
Mach vns nit in versuchung stan/Löf vns vom übel Amen.

Anzaygung auß der schrift warauff diß

gesang allenthalben ist gegründet. Darauff sich alle
vnsrer sach verlassen mag.

A Eph. 2. Das er anzaygt die vberschwencliche reichthumb seiner gnaden in freindeligkait.

Ro. 3. Kein fleisch durch des gesetz werck für jm mag rechtfertig sein.

Ebre. 12. Wir auffsehen auff den Hertzogen vnsers glaubens vnd auff den volender Jesum.

Ebre. 2. Der durch die gnade gottes für alle versucht hat den todt.

Ebre. 9. Vnd darumb ist er auch ein mieler des neuen Testaments.

B **Ro. 8.** Dem gesetz gottes ist das fleisch mit vnterthan/es mag auch nit.

Ro. 4. Seyntemal das gesetz richte nür zorn an.

Ro. 7. Wir wissen/das das gesetz geyslich ist/aber ich bin fleyschlich.

Johannis. 16. On mich mügt jr nichts thun.

Galath. 3. Die schrift hats alles beschlossen vnder der sünde/auff das die verhaiffung keme durch den glauben an Chrustum.

C **Als oben Rom. 8.** Dem gesetz gottes ist kein fleisch vnderthan/es vers mag auch nit.

Rom. 3. Durch das gesetz kumbt die erkantnuß der sünde.

Rom. 7. Ich wüßte nit das die lust sünde wer/so nit saget das gesetz. Laß dich nichts gelusten.

D **Eph. 2.** Wir waren auch kinder des zorns von natur.

Rom. 7. Das gesetz ist neben einkunnen/das die sünde ye gröffer wurde.

Matth. 23. Wee euch jr gleyßner/zu dem achtenden mal.

Pfal. 50. Sihe in bosheit bin ich empfangen/vnd in sünden geborn.

E **Matth. 5.** Nicht ein spizlin noch ein buchstaben sol vndergeen/es muß alles geschehen.

Ebre. 1. Er hat sein sun geschickt/das er die vnter dem gesetz waren/erlöset.

Rom. 8. Er hat verdampft die sünde im fleisch durch sünde/das die gerechtigkeit des gesetz in vns erfüllet wurde.

Rom. 1. Der zorn gottes wirt offenbar/vber alles goetlos wesen.

F **Rom. 7.** Aber yetz seind wir ledig worden von dem gesetz des todt.

Rom. 12. Verendert euch in vernewerung ewers syns/das jr prüfft den willen gottes.

Johannis. 11. Ich bin die auferstehung vnd das leben/Wer in mich glaubt der wirt leben ob er gleich stirbe.

Petrus. 1. Pe. 2. Er hat vnser sünde getragē in aygnetem leyße auff dem holz.
 Ebre. 6. Durch zwey vnberwegliche ding da durch vnmöglich ist das Got
 mag liegen/haben wir ein starcken trost.
 Matthei vlti. Wer glaubt vnd getaufft wirt. der wirt selig.
 Johānis. 3. Wer in in glaubt/wirt nicht verloh.

Rom. 1. 4. Was nicht auß dem glauben kumbt. das ist sünde.
 Galath. 5. In chusto Jesu gilt nichts dan der glaub/der durch die liebe
 werck thut.
 Rom. 1. 6. Gerechtfertig durch den glauben/haben wir fride mit got.
 Johānes. 1. Jo. 3. Wer sein bruder lieb hat/ist auß got geborn.

Exo. 22. Do das volck sahe die stūm/amplen/klang der Busaunen vñ
 den riechenden berg/seind sie erschrocken.
 Eph. 2. Er ist kumen vnd hat euch gutte potschafft bracht des frids.
 Matthei. 11. Kumbt her alle zu mir/ich wil euch laßen vnd erquicken.
 Galath. 3. Alle die mit des gesetzs werck vmbgeen/die sein vnter der verma-

Matthei. 7. Ein yeder gutter baum bringt gutte frucht. (ledeyung
 Jacobi. 2. Der glaub on die werck ist todt.
 Rom. 3. Die gerechtigkeit Gottes kumbt durch den glauben an Ihesum
 Chrust zu allen vnd auß alle die da glauben.

Petrus. 2. Pe. 1. Thut fleiß ewrem beruff vnd erwelung gewiß zu machen.
 Galath. 5. Wir aber warten im geyst der hoffnung/das wir durch den
 glauben rechtfertig seyen.
 Judith. 8. Habt jr Got ein tag gesetzt nach ewrem wolgefallen! Was vers-
 ucht jr got!

Ebre. 5. Last vns hynzu erctten mit freydigkait zu dē gnaden stul/auff das
 wir barmhertzigkait empfaben vñ gnade finden auff die zeyt. wen vns
 Ebre. 12. Den sun den er lieb hat den züchtiget er. Chilfe not sein wirt
 Esaie. 45. Du bist warlich ein verborgener got.
 Mat. 2. 4. Himel vñ erde werdē zergeen/aber meine wort werdē mit zergeen.
 Mat. 1. 4. Du eins schwachen glaubens/warumb hastu gezweyfelt!
 Ephe. v. Nichts werde in euch genant was nit zur sacht dient/aber vil
 mer danck/sagung.

Psal. 67. Besterck in vns/was du in vns gewircket hast.
 philip. 1. Der in euch angefangen hat das gut werck/wölle es erfüllen.
 psal. 78. Von preiß wegen deins namen/mach vns teglich zē.
 Matthei. 6.

V Auch ist/mein glaub in Jesum christ/sein son/vom heyligen
geyst empfangē/ Gerüst/wider all sündē list/wolt stan/
darumb ist er aufgangen/Vō edler art/der junckstaw zart/
Maria hat geboren/den sin Got außerkoren/Das er auch
mein/vñ ydem sein/empfencknuß vnd/geburt macht gkund/
Solt ein weg zum vater bawen/o herre got/wem wolt vor
dir ymmer grawen.

E Auch das/er lidt dardurch genas/all welt/am creiuz ist
willig gestorben/Nit has/mocht werden todes has/abstelt/
wann hie ist gnad erworben/Er wardt gelegt/im grab be-
deckt/dardurch all sündt begraben/den nutz solt ich haben/
Sucht nit das sein/sunder das mein/erkenn sein gunst/das
er vmb sinst/Sölche gnad hat wöllen zaygen/o herre got/
nun bin ich gwis gar dein aygen.

D Zu hell/inder gestigen schnell/sür mich/das ich darein nit
fare/Ir stell/zerbrach mit starcker schwel/zü sich/nam er der
väter schare/Sich zü den gwalt/dem schlangen kalt/hat er
mit gwalt erstöret/darumb sein plüt verreret/Kain forcht
mer sey/vns allen bey/der teüfel kan/mit schaden thün/Wañ
er ist ewig gefangen/o herre got/wem wolt nach dir nit be-
langen.

E Wiewol/der todt het in ein mal/verschlickt/nach konde
er in nit halten/Gwalts vol/am drittē tag nun sol/erquickt/
in sein erkläerte gskalte/Ein König fron/in seinem thron/im
geyst sein volck regieren/das sol mein glaub berüren/Vund
hangen dran/on abelan/es ist mein trost/mein hayl es kost/
Nit in bin ich außferstanden/o herre got/behüt mich von
todes banden.

S Auffür/nach warem gottes schwür/von hyn/gen hymn
an vaters seyten/Sitzt zur/gerechten in der für/vernym/ein
König in ewig zeyte/Er steet für mich/dasselb glaub ich/sol
niemant anders suchen/das mich nit treff der flüchen/Wer
suchet rat/in seiner not/damit nür allein/von Got müß sein/
Ewiglich in seinem zoren/o herre got/wem der nit hilfft ist
verloren.

G Von dann/als ich nit zweyffen han/er würd/am jung-
sten tag her kummen/Niß stan/vor jm mit seinem thon/her-
für/der böß vnd auch der frimie/Todt lebendig/im augen-
plick/er würdt vns alle richten/da hilfft nit aufred tichten/
Kunnt her zü mir/erwelten jr/geet weyt dōrt hin/den ich
seindt bin/Also wirt er vrtail sellen/o herre got/erbarm dich
vor disem stellen.

G Glauben/müß ich in heiligē/geyst Got/dem vater gleich
vnd sone/Wer den/in jm würdt nit haben/leyd spot/wann
des würdt Got nit schonen/G heyliger geyst/vnns gnaden
leyst/erweck leyt vñ erleuchte/durch vñ in Christo feuchte/
Schaff lebendig/im gmüt heylig/das wir in dir/mit hertze
gir/Gottes grossen namen eren/o herre got/den glaubē wōl
in vns meren.

I Das sol/man auch gelauben wol/ein kirch/im geyst müß
man sy kennen/Got hold/der gnadē reichlich vol/mit fürcht/
das sy der teuffel trenne/Heylig gemain/welch hat allain/
vergebung aller sünde/der frid ist gottes kinden/zü letzt be-
hend/des fleysch vrfend/ein leben frey/das ewig sey/Dort
in ihener welt vol freuden/o herre Got/verleych vnns auch
dise weyde. Amen.

A Das Got ein vater sey. der ein sun gebürt. *Evāgeli. Jo. 3.* Got hat seinen sun mit geschickt in die welt/das er die welt richte/alda zu versteen ist. hat er ein sun so hat er in geborn. So ist er auch ein vater des selbigen. *Geschrifft. Esaie. 66.* Weder sol ich selbs nit auch geben. der ich mach das ander geben. sagt got. das er ein erschaffer sey. *Evāgeli. Matth. 11.* Ich preiß dich vater vnd herr. des hymels vñ der erden. *Geschrifft. Genesis. 1.* Im anfang schuff got hymel vnd erden. Das er sey almechtig. *Evāgeli. Marci. 14.* Abba. mein vater. Es ist dir alles möglich/vberheb mich diß kelchs. *Geschrifft. Gen. 17.* Sprach der herr zu Abram. Ich bin der almechtig got.

B Das Jesus Christus ein sun gottes sey vom heyligen geyst empfangen/vnd geborn auß Maria der juncckfraw. *Beschreybt alles zu mall Lucas in seinem Evāgeli. am. 1. vnd. 2. cap. Geschrifft. Esaie. 7.* Siehe ein juncckfraw ist schwanger. vnd wirdt ein sun geben. *Jem. Gen. 3.* Wirdt Christus altein ein samen des weybes genant. versee on ein man. Das diser sun gottes ein eyniger sun sey. *Evāgeli. Jo. 1.* Wir sahen seine herligkeit. ein herligkeit als des eingebornen sun vom vater. *Geschrifft. psal. 2.* Der herr hat zu mir gesprochen. Du bist mein sun. heit hab ich dich geborn. Er spricht. Du versee kein andern mer.

C Das Jesus Christus hab gelitten sey gestorben vnd begraben worden. *Evāgeli. Matthei. 27. Marci. 15. Luca. 23.* *Geschrifft an vil orten. doch aygentlicher in. 21. psalm.* Auch zaygen auff sein leyden vnd sterben all sie gur der opffer im alten Testament.

D Von seinem absteigen in die hell. *Evāgeli. Matth. 12.* Gleich wie Jonas war drey tag vñ drey nacht in des walfische bauch. Also wirt des menschen sun drey tag vnd drey nacht sein mitten in der erden. *Geschrifft. Osee 13.* O todt ich würdt dir ein todt sein. O hell ich würdt dein biß sein. das ist du wirst mich beyssen.

E Sein vrfend beschreyben die drey *Evāngelisten. Matthens. Marcus. vnd Lucas in letzten cap. Geschrifft. psal. 15.* Du hast mir bekant gemacht die weg des lebens. das muß man versteen von der vrfend. wie Petrus auff legt. *Acton. 2.*

F Die auffart Christi beschreybt Marcus am letzten. *Geschrifft. psal. 67.* Du bist auffgestigen in die höhe. vnd hast die gefengtnuß gefangen gefürt. *Vñ der. 109. psalm.* Der herr hat gesagt zu meinem herren. setz dich zu meiner rechten tē.

G Vom jungsten gericht. *Evāngeli. Matthei. 25.* Wenn der sun des mens

schon künnen wirt zē. Den wurd er sitzen auff dem stul seiner herligkeit vñ
werden vor im erscheynen alle völeker zē. In der geschufft finden wir esse
das got ein gerechter richter ist. Es spricht aber der weyß man. Sapiētē. 5.
Die frummen werden steen in grosser bestendigkeit wider die die sie gegensiet
haben das kan aber nyndert geschehen dann am jungsten tag / so wir all
werden vor dem richter stul gottes steen. bñß vnd gut. Iohel. 3. Ich wil ver-
samen alle hayden zu hauff / vnd wil sie füren in das tall Josaphat zē.

3 Von dem heyligen geyst. Chustlichen kirchen / Auch gemeinschafft
der heyligen wirt kürzlich meldung gethan. vber das so anderswo dauon
geschriben ist. Am letzten cap. Matthei. da Christus sagt. Mir ist gegeben
aller gewalt in hymel vnd erden. Darumb geet hyn vnd leret alle völeker /
vñ taufft sie in dem namen / des vaters. vñ des suns. vñ des heyligen geysts
Vnd leret sie halten alles was ich euch befolhen hab. Vnd sihe ich bin bey
euch alle tag. bis an das ende der welt. In welchem auff ein mal begriffen
ist. das man in den heyligē geyst glauben sol. die weyl wir in seinem namen
getaufft werden. das doch ein zeychen des glaubens ist. Das auch ein Chri-
stenliche kirch ist. bey welcher der herr bis an das ende der welt bleyben wil.
Das in der selbigen ist ein heylige gemeinschafft. die weil inen allen nür ein
tauff. ein wort allen gleich zu predigen vñ zu geben eingesetzt ist. Auff
welche weyß auch Paulus redet von dem pret vnd wein gottes tisch. 1. Co-
rinthi. 8. Des gleichen Acton. 2. gelesen wurd. Auch sagt die schufft vom
geyst gottes. Genesis am ersten. Vnd sunst an vil örtern. von kürz wegen
vnterlassen von dem newen volck gottes. Auf welchem auch klar ist verz-
gebung der sündt. dann der sündt Got nit gefelt. So muß von nötten diser
kirchen vnd allen die darinn seind. jr sündt vergeben sein vnd nicht werden
zu gerechendt. Johannis am. 10. Vnd Ezechielis am. 18. Auferstung des
fleyschs beschreibet Johānes am. 5. in der mitten des capitels. Die geschufft
Job am. 19. Am letzten tag wirt ich aufersteen vnd in aygenem fleysch se-
hen mein Got vnd heylt. Item Danielis am. 12. Da auch bestimpt wurd
das ewig leben. Sunst sagt das Ewangeli Matthei am. 25. Die frummen
werden geen ins ewig leben.

**Ein gefang Doct. Sperati / zu bitten
ymb volgung der besserung/
auß dem wort Gottes.**

A Hilff got / wie ist der mēschen not / so groß / wer kan es als
erzelen / Ganz todt / leyt er on allen radt / wayßloß / Er kēdt
auch nit sein ellend / Hertz mit vnd syn / ist gar da hyn / ver-
derbt mit allen krefften / wais nit wo ers sol hefften / Kēdt
nicht das güt / noch minder thāt / was got gefelt / hat sich ge-
stellt / Wider allen gottes willen / o herre got / hilff vns disen
kammer stillen.

B Nit rast / findt er auff erdt wie fast / er sucht / kein macht
wil in doch redten / Sein last / in als d hellen gast / verflucht /
ach got hilff in auß nöthen / Wir rüffen all / auß disem qual /
zu dir dem höchsten gūte / du kanst vns geben mūte / Zu deiner
gnad / ee kumbt der todt / ders alls hyn nimpt / das nicht mer
zimpt / Deiner gnaden huld erwerben / o herre got / laß vns
nit also verderben.

C Ach wie / was nun dein zoren hie / so grūß / do dein wort
lag in verborgen / Nun sie / wider geben zu frue / jr stim / wann
niemandt wil jr sorgen / Man hört sy wol / die kirch ist vol /
noch wil sich niemant massen / der zorn ist noch zu grosse / Vil
besser wer / gehört nymmer / dan so man hört / vn nit nach fert /
Ach es ist ein grausam straffe / o herre got / mach vns wider
new erschaffen.

D Sich an/durch deinen lieben son/auff vns/darinn dein
wolgefallein/Der schon/für vnns hat gnüg gethan/vns
sünst/hat reichlich wöllen zalen/Das wir gefreyt/vō allem
layd/deiner gnaden möchten gniessen/sein plüt solt vns ent-
spriessen/Las zoren nach/richt nit so gach/vergiß der schuld/
gib vns dein huld/Wir erkennen doch die sünde/o herre got/
nym vns an für deine kinde.

L Die weyl/du hast so kurtzer eyl/dein wort/wider gesand
auff erden/Vns heyl/von new durchs teuffel pfeyl/ermort/
gib das wir frümmer werde/Es leyt an dir/das können wir/
mit vns ist gar verloren/wir steen in deinem zoren/Wit sich
vns an/noch vnser thon/erkenn dein wort/der gnaden hort/
Darumb ist es mensch geworden/o herre got/für vns las es
sein gestorben.

F Frew dich/mit grosser züuersicht/sein volck/er wirt dich
nit verschmehen/Wit sich/wie du nit gar vernichtē solt/den
schatz den er hat geben/Es ist sein wort/darauff stee hart/
es mag vns nit aufweichen/sein krafft ist also reiche/Wem
ers beschert/da wirts gemert/nit glaub daran/las zweyfel
stan/Hoff in den der ist dort oben/o herre got/von vnns sey
dir ewig lob.

A Der mensch geboren vom weys/ lebt ein kurze zeyt/ muß voller iammers
vnd elend sein. Job. 13.

Alles tichten des menschlichen hertzen ist böß/ von der jugent auff. Gen. 8.

B Ir werdet dienen daselbst frembden Göttern/ die euch kein rwe geben
werden. Hieremie. 17.

Ir gewissen sie bezüget/ darzu auch die gedanken/ die sich vnter einander
vertragen oder entschuldigen/ Versteet ob schon gar kein geschriben gesetz
wer. Rom. 11.

E Seehyn vnd sag dem volck. Hörend/ solt jr hören/ vnd solt doch nit verz
sken/ vmb solt sehen das jr secht/ solt es doch nit erkennen/ Verblendet das
hertz dises volcks. Esai. 7.

Es wer in besser/ das sie den weg der gerechtigkeit nit erkennen/ dan
das sie in erkennen/ vnd sich keren von dem heyligen gebot das inen gegeben
ist. 2. Petri. 2.

D Ich sag euch/ wo zwen vnter euch eins werden auff erden/ warum es
ist/ das sie bitten wöllen/ das sol in widerfarn von meinem vater im hymel/
Dan wo zwen oder drey versamlet seind in meinem namen/ da bin ich mit
ten vnter inen. Matthei. 18.

So wir vnserere sündt bekennen/ so ist got trew vnd gerecht/ das er vnns die
sündt erlesset/ vnd reiniget vns von aller ontugent. 1. Johānis. 1.

E Erhö: mich lieber herr/ erhö: mich/ Damit diß volck lerne/ das du bist
noch der alte hergot/ vnd du habest noch ein mal bekert ire hertze. 3. Reg. 18.
Nicht in vnsern gerechtigkeiten legen wir für vnser gebet vor/ deinem ange
sicht/ sunder in vile deiner erbarmung. Danielis. 9.

S Weder würdt er vns ewigklich verwerffen/ oder wirt er nit noch ein mal
eins thun/ das er vns freündelicher sey. Psal. 67.


Also würdt mein wort werden/ das auß geet von meinem munde. Es würdt
mir nit leer wider haim künnen/ sunder würdt thun alles was ich wil. Vnd
in würdt glücken in den darzu ichs geschickt hab. Esai. 55.

Die drey nachfolgenden Psalm.
singt man in diesem thon.

Der. xi. Psalm. Saluū me fac.



Ach got von hymel sihe darein:




Ach got vō hymel sihe darein/vnd laß dich das erbarmen/
Wie wenig seind der heyligē dein/verlassen sein wir armen/
Dein wort lest nit haben war/der glaub ist auch verloschen
gar/bey allen menschen kindern.

Sie leren eytel falsche list/was aygē witz erfindet/Ir hertz
mit eines sinnes ist/in Gottes wort gegründet/Der welet diß
der ander das/sie trennen vnns on alle maß/vmnd gleyssen
schon von aussen.

Got wölt außrotten alle lār/die falschen scheyn vnns le-
ren/Darzu jr zung stoltz offenbar/spricht trotz wer wils
vnns weren/Wir haben recht vmd macht allain/was wir
setzen das gilt gmain/wer ist der vns solt maistern.

Darumb spricht got ich müß auff sein/die armen seind ver-
störet/Ir seufftzen dringt zu mir herein/ich hab jr klag er-

C



Ach got von hymel sihe darein

höret/ Mein haylsam wort sol auff den plan/getrost vnd
frisch sie greiffen an/vnd sein die krafft der armen.

¶ Das silber durchs feur siben mal/Bewert wirt lauter sun-
den/Am gottes wort man warten sol/des gleichen alle stun-
den/Es wil durchs creutz beweret sein/da wirdt sein krafft
erkant vnd schein/vnd leucht starck in die lande.

¶ Das wölsu got bewachen rein/für diesem argem geschlech-
te/Vn lay vns dir befolhen sein/das sichs in vns mit flechte/
Der gotlos hauff sich vmbher findt/wo dise lose leute seind/
in deinem volck erhalten.

Der. xiiij. Psalm. Dixit insipiens.

¶ Es spricht der vnweisen mündt wol/den rechten Got wir
nainen/Doch ist jr hertz vnglaubens vol/mit that sie in ver-
nainen/Je wesen ist verderbet zwar/für got ist es ein grewel
gar/es thät jr kainer kain güt.

¶ Got selb vō hymel sahe herab/auff aller menschen kinden/
Zu schawen sie er sich begab/ob er yemandt würdt finden/
Der sein verstandt gerichtet het/mit ernst nach gottes wort-
ten thet/vnd fragt nach seinem willen.

¶ Do war niemāt auff rechter ban/sie waren all auß gschrit-
ten/Ein yeder gieng nach seinem wan/vñ hielt verlorne sit-
ten/Es thet jr kainer doch kain güt/wiewol gar vil betrog
der müt/jr thün müst got gefallen.

¶ Wie lang wöllen vñwissend sein/die solche müe auff laden
Vnd fressen da für das volck mein/vnd neern sich mit seim
schaden/Es steet jr trawen mit auff got/sie rüffen jm nit in
der not/sie wöln sich selb versorgen.

Darumb ist jr hertz nymer still/vñ steet allzeyt in forchten/
Got bey den frummen bleybē wil/dem sie mit glaubē horchen/
Ir aber schmecht des armen rat/vñ hōnet alles was er sagt/
das got sein trost ist worden.

Wer sol Israel dem armē/zū Sion hail erlangē/Got wirt
sich seins volcks erbarmen/vñ lösen die gefangen/Das wirt
er thun durch seinen son/dauon wirdt Jacob wunne han/
vnd Israel sich freuen.

Der Psalm De profundis.

Auß tieffer not schrey ich zu dir/herr got erhör mein ruffen/
Dein gnedig oren ker zu mir/vnd meiner pit sie offen/Denn
so du das wilt sehen an/wie manche sundt ich hab gethan/
wer kan herr für dir bleyben.

Es steet bey deiner macht allain/die sünden zū vergeben/
Das dich fürcht beyde groß vnd klain/auch in dem besten le-
sen/Darumb auff got wil hoffen ich/mein hertz auff in sol
lassen sich/ich wil seins worts erharren.

Und ob es wert bis in die nacht/vñ wider an den morgen/
Doch sol mein hertz an Gottes macht/verzweyfelu nit noch
sorgen/So thū Israel rechter art/der auß dem geyst erzeu-
get wardt/vnd seines gots erharre.

Ub bey vns ist der sünden vil/Bey Got ist vil mer gnaden/
Sein handt zū helffen hat kain zill/wie groß auch sey der
schaden/Er ist allain der güte byrt/der Israel erlösen wirt/
auß seinen sünden alleu.

¶ Der glaub der thüt auch allermeyst/darinne wirt geben
der heylige geyst/wer Gottes wort thüt glauben/wie in der
zwelfspoten büch geschriben steet/Sant Peter am zehenden
thüt sagen.

¶ Johannis am dritten ist vermeldt/also hat got geliebt die
welt/sein sun hat er jr geben/wer glauben thüt an Ihesum
Christ/der erlanget das ewig leben.

¶ Zum Römern am dritten höret mee/niemands wirdt selig
durch die ee/die sündt wirdt allain dardurch erkandt/der
glaub führt vnns zum vaterlandt/als vns sant Paulus thüt
offt bekant.

¶ Die gerechtigkeit gottes durch Ihesum Christ, wer an jme
verzaget ist/thüt sich allain des trösten/dem sein bedeckt die
sünde sein/durch Ihesum Christ das lemmelein.

¶ Er starb für vnns missethat/das hayl er vnns erworben
hat/vnd wo er vns nit wer geboren/so weren wir all zümall
verlor/got hats jm also außerkorn.

¶ Abraham gibt got gros eer/da er vertrauet seiner leer/zum
Römern am vierden vnder schaidt/Christus hats jm selber
zü gesagt/wardt jme gezelt zü der gerechtigkeit.

¶ Gottes werck der glauße ist/als wie man im Johäne list/
wol an der sechsten vnder schaydt/got hats vnns selber züge-
sagt/den gebat Maria die raine maydt.

G So nun bey dir der glaub ist recht/ so erzaygstu dich ein gottes knecht/durch lieb an deinen nechsten/als sich Got dir erzayget hat/mit dienst nach allem vermögen.

G Nun hör was got durch Moysen gebot/ist yemands arm in deiner stat/so thü jm auff die hende dein/laß dir sein not dein aygen sein/beweyß an jm den glauben dein.

G Wirdt yemandts schreyen in hymel zu mir/zü einer stundt solt werden dir/vom wücher soltu freyen dich/got wilts also haben glaub sicherlich/als wie die schrift thüt warnen dich.

G Matthei am fünfften als man list/wie dir vnd mir sagt Jesu Christ/wil yemandts von dir begern/versag es jm mit zü keiner frist/ob er villsicht dein feindt ist.

G Der armenn ist das hymelreich/das solt jr glauben alle gleich/vmb ablaß kain gelt mer geben/beschert dir ichts der liebe got/die armen sollens von dir nemen.

G Nun hört jr man vnd jungen knaben/got sollen wir stets vor augen haben/sein gebot wol an den wenden/vnd sollent die lernen vnser e kindt/auch tragen in vnsern henden.

G Du steest oder geest vber felt/wie Got durch Moysen hat vermelt/sein lieb soltu betrachten/die dir erzaygt durch Jesum Christ/der dich vom gesetz los thüt machen.

G Noch eins das wil ich sagen dir/Christi Ritter müssen

leyden vil/ey hon vnd spot in aller welt/mit irem fleysch sich
legen ins veld/nach dem es also got wol gefelt.

¶ Verzag nit werder Ritter güt/got helt dich selber in seiner
hüt/wann er dir vberwunden hat/todt sündt hell vnd alle
not/ein kron er dir erworben hat.


¶ Hie lassen wirs bleyben zu diser frist/vnnd schreyen alle zu
Jesu Christ/der allain ist vnser trost, von allem übel hat er
vnns erlost/hab lob vnd danck du süßer trost.


¶ Vnd tayl vnns mit dein teglich prot/ich main das heylige
gottes wort/die einige speyse vnser seel/so schat vns mer kain
vngesel/vnd bleybt allzeyt got vnser heyl.


Amen.

Faint, illegible text, possibly bleed-through from the reverse side of the page. The text is arranged in several lines and is significantly faded and obscured by stains.









Stadtbibliothek Worms



03149617

